

mettre au liet dès d'main quand j'aithai 70 ans.

**Docteu'** *(Séthéthemement.)* Si 'ous persistez dans vot' niolîn je m'en vais vos mettre à l'Hôpita'.

**M-D-L-C** *(En géddon.)* Lise, tch'est que tu'est à faithe là? Va-t'en faithe tan travas – allons file.

*(Au Docteu')* Et vous espèce de l;anterne, fichis l'camp d'ichin et ne r'mettez pas le pid dans ma maison; et j'vos d'gernie que j'avise'thai la police de vos saisi et de vos fliantchi en prison!

**Docteu'** *(En sortant.)*  
J'en apprends touas les jours! Il en faut certainement pus d'eune sorte pour faithe un monde, J'm'en vais – à la prochaine.

**M-D-L-C** *(Le m'nichant avec son baton.)*  
Ne r'mettez pas l'pid ichin ou j'vos casse la tête.

**M-D-L-C** *(Sonnant sa clioche à tigue de corps et criant è tue-tête.)*  
Lise! Lise! Ou-est=q'tu est don? Allons dépêche té!  
*(Lise entre en couothant à but d'halaine. La clioche sonne.)*

**M-D-L-C** Va vite vée tchi qu'est à la porte!  
*(Lise entre avec eune dame d'appathence séthieuse et plienne de dignité.)*

**M-D-L-C** Oh ch'est vous Madame Nicolle – et ou'est qu'est le Recteu? Ch'tait li que j'voulais vée, et pas vous.  
Man pouarre Nicklés n'est pas trop bein. Votre lettre l'y a donné un tel coup que j'pensais tch'il allait perdre connaissance.

**M-D-L-C** *(Sévéthemement é Lise.)*  
Lise va t'en arrangi mes affaithes à haut.

*(À Mme Nicolle.)*  
Quand nous a d's'avièrs ch'est pour les faithe travaillyi. Le Recteu est à peu-près comme vous, v'la tch'a du sang du navet dans les veines et n'a pas pus d'couothage qu'eune pouque mouoillie. Donnez-li eune bouanne dose d'huile de castor de temps-en-temps, v'la tchi li f'tha grand bein.

**M. Nicolle** *(Avec dignité.)*  
Je'n sis pas v'nue pour vos demander d's avis. Le Recteu', Dieu merci, n'est pas malade, mais il est bein gêné pour vous, car vot' étrange lettre li-y'a causé bein d'la peine.